

春秋釋例



春秋釋例卷四

晉

杜

預

撰

執大行人例第二十六

案此篇見永樂大典惟篇目佚今補

桓十一年秋

云云

九月宋人執鄭祭仲傳曰宋雍氏宗有

寵于宋莊公故誘祭仲而執之曰不立突將死

云云歸而

立之秋九月丁亥昭公奔衛己亥厲公立

莊十七年春齊人執鄭詹傳曰春齊人執鄭詹鄭不朝

也

僖四年夏

云云

齊人執陳轅濤塗傳曰陳轅濤塗謂鄭申

侯曰師出于陳鄭之間國必甚病若出于東方觀兵于東夷循海而歸其可也申侯曰善濤塗以告齊侯許之

申侯見云云齊侯說與之虎牢執轅濤塗秋伐陳討不忠

也

文十四年冬單伯如齊齊人執單伯齊人執子叔姬傳

曰襄仲使告于王請以王寵求昭姬于齊冬單伯如齊

請叔姬齊人執之又執子叔姬

十五年夏云云單伯至自齊傳曰齊人許單伯請而赦之

使來致命書曰單伯至自齊貴之也

成十六年秋云云九月晉人執季孫行父舍之于荅丘傳

曰宣伯使告卻擘云云晉人執季文子于荅丘公還待于

鄆使子叔聲伯請季孫于晉云云乃許魯平赦季孫

襄十一年秋云云楚人執鄭行人良霄傳曰鄭人使良霄

太宰石奩如楚告將服于晉云云楚人執之書曰行人言

使人也

十八年夏晉人執衛行人石買十七年傳曰衛石買孫

蒯伐曹取重丘曹人愬于晉十八年傳曰夏晉人執衛

行人石買于長子執孫蒯于純留為曹故也

二十六年秋云云晉人執衛甯喜傳曰六月公會晉趙武

宋向戌鄭良霄曹人于澶淵以討衛疆戚田云云于是衛

侯會之晉人執甯喜北宮遺使女齊以先歸

昭八年夏四月云云楚人執陳行人干徵師殺之傳曰徵

師赴于楚且告有立君公子勝訴之于楚楚人執而殺

之云云書曰楚人執陳行人干徵師殺之罪不在行人也

冬十月壬午楚師滅陳執陳公子招放之于越

十一年冬十有一月丁酉楚師滅蔡執蔡世子有以歸

用之傳曰楚子滅蔡用隱太子于岡山申無宇曰不祥

五牲不相為用況用諸侯乎

十三年秋云云八月晉人執季孫意如以歸傳曰邾人莒

人愬于晉曰魯朝夕伐我幾亡矣我之不共魯故之以

晉侯不見公云云公不與盟晉人執季孫意如云云以平子

歸

十四年春云云意如至自晉傳曰春意如至自晉尊晉罪

己也尊晉罪己禮也

二十三年春王正月云云晉人執我行人叔孫婍傳曰邾

人城翼還將自離姑云云遂取邾師獲鉏弱地邾人愬于

晉晉人來討叔孫婼如晉晉人執之書曰晉人執我行
人叔孫婼言使人也

二十四年春王二月云云婼至自晉傳曰婼至自晉尊晉

也

定元年春王三月晉人執宋仲幾于京師傳曰晉魏舒

合諸侯之大夫于狄泉將以城成周云云宋仲幾不受功

云云乃執仲幾以歸三月歸諸京師

六年秋晉人執宋行人樂祁犁傳曰宋樂祈言于景公

曰諸侯惟我事晉今使不往晉其憾矣云云公謂樂祁曰

唯寡人說子之言子必往云云趙簡子逆而飲之酒于縣

上獻楊楯六十于簡子云云范獻子言于晉侯曰以君命

越疆而使未致使而私飲酒不敬二君不可不討也乃

執樂祁

七年秋云云齊人執衛行人北宮結以侵衛傳曰齊侯鄭

伯盟于鹹徵會于衛衛侯欲叛晉諸大夫不可使北宮

結如齊而私于齊侯曰執結以侵我齊侯從之

昭四年秋七月楚子蔡侯陳侯許男頓子胡子沈子淮

夷伐吳執齊慶封殺之傳曰楚子以諸侯伐吳云云使屈

申圍朱方八月甲申克之執齊慶封而盡滅其族云云使言曰無或如齊慶封弑其君弱其孤以盟其大夫

右執大夫行人及叔姬并書至凡二十

釋例曰古之諸侯享頰聘問相繫于時所以抒人情

蠲煩惑合嘉好也及作征伐會盟軍之所興兵之所

加各有本志志于懲治不軌伐叛柔服而已使以行

人言之言之以接事

案此二句襄十一年正義引釋例作使以行言言以接事信

令之要于是乎在舉不以怒則刑不濫刑不濫則兩

國之情得通兵有不交而解者皆行人之勲也是以

雖飛矢在上走驛在下及其末節不統大理更遷怒

肆忿快意于行人譬諸豺狼求食而已傳曰鄭人使

伯蠲行成晉人殺之非禮也兵交使在其間可也故

夫子特顯行人之例

案例字襄十一年正義引釋例作文行人有六而

發傳有三者因良霄以顯其稱行人之事因干徵師

以示其非罪因魯叔孫婁以同外內大夫則餘三人

皆隨例而為義也諸以行人為名通及外內以卿出

使義取于非其罪也若濤塗甯喜之類

案類字襄十一年正義引

釋例罪在其身鄭叔詹魯行父之等以執政受罪本

非出使故不稱行人從實而書皆以罪之也

案杜預集解云

齊桓始伯鄭既伐宋又不朝齊詹為鄭執政大臣詣齊見執不稱行人罪之也孔穎達正義云劉炫以注

云詣齊見執釋例云詹本非出使謂其自相矛盾今改齊不朝而責于鄭鄭令詹詣齊謝罪齊人執之故

釋例云原非出聘之使與集解文異事同劉炫不尋此意乃為規過非也鄭祭仲之如宋

也非會非聘與于見誘而以行人應命不能死節挾

偽以篡其君故經不稱行人以罪之也伯仲叔季固

人字之常然古今亦有以為名者而公羊守株專謂

祭氏以仲為字既謂之字無辭可以善之因託以行

權人臣而善其行權逐君是亂人倫壞大教也說左

氏者知其不可更云鄭人嘉之以字告故書字此為

因有告命之例欲以苟免未是春秋之實也宰渠伯

糾蕭叔大心皆以伯叔為名然則仲亦名也傳又云

祭仲足或偏稱仲案此句承樂大典無之從桓五年正義所引釋例增入或偏

稱足蓋名仲字仲足也單伯天子之鄉也為我如齊

故書其行齊人無禮逆執王使并及叔姬是以季文

子如晉求助晉無救卹之實而單伯能敷宣王命以

免于執叔姬見釋遂還致命皆單伯之力故魯人嘉

之而告廟傳曰書曰單伯至自齊貴之也又曰齊人

來歸子叔姬王故也此皆歸功單伯明晉無令政也
 意如至自晉傳言尊晉罪已也媾至自晉傳復重發
 但言尊晉者意如以罪見執宜在罪已媾本使人不
 應見執故尊晉而已內大夫行還皆不書至異于公
 也今此二人執而見釋更以書至見義也晉在王城
 執仲幾不即歸之天子而送歸于國後乃致之王所
 故但書其執而不書其歸言失節也慶封得罪于齊
 絕位奔吳吳與之朱方為吳大夫今見殺而經書齊
 者楚人以齊罪殺之故告以齊明此慶封非異人也

賈氏以為書執行父舍于荅丘言失其所不書至者
 刺晉聽讒執之示已無罪也按傳曰囚之荅丘以別
 晉都無義例也公待于鄆與行父俱歸從于公故不
 書行父入至也案從于公二句成十六年正義引釋
 例作厭于公尊故不書行父至耳
 若欲示無罪則宜于執見義今既直書其執處更絕
 不書至乃所以示不終于見執非示無罪也

書諡例第二十七

案此篇承樂大典全闕

釋例曰諡者興于周之始王變質從文于是有諱焉
 傳曰周人以諱事神名終將諱之故易之以諡末世

滋蔓降及匹夫爰暨婦人婦人無外行于禮當繫夫之諡以明所屬詩稱莊姜宣姜卽其義也隱元年正義引釋例

諡法云隱拂不成曰隱呂祖謙春秋集解引諡例

書叛例第二十八此篇示樂大典全闕

釋例曰古之大夫或錫之田邑或分之都城故有千室之邑百乘之家君之祿義則進否則奉身以退若專祿以周旋雖無危國害主之實皆書曰叛叛者反背之辭也庶賤之人不齒于列雖有善惡不章顯名氏若乃披邑害國則以地重以書其名且終顯其惡

也適魯則書地曰來奔來奔則叛可知蓋記事外內之辭也劉賈說三叛人以地來奔不書叛謂不能專也此直外內之辭既以地來妻公之姊妹還其大邑

不得復言不能專也襄二十六年正義引釋例齊侯鄭伯詐朝于

紀欲以襲之紀人大懼而謀難干魯請王命以求成

于齊公告不能齊遂偪之遷其三邑國有旦夕之危而不能自入為附庸故分季以鄙使請事于齊大去

之後季為附庸先祀不廢社稷有奉季之力也故書字不書名書入不書叛也判分也傳曰始分為紀侯

大去張本也劉賈謂紀季以鄫奔齊不言叛不能專
鄫也傳稱紀侯不能下齊以與紀季季非叛也紀亡
之後叔姬歸于鄫明為附庸猶得專鄫故可歸也莊

年正義
引釋例

書次例第二十九

案此篇見永樂大典惟篇目佚今補

釋例曰凡師一宿為舍再宿為信過信為次此周公
之典以詳錄師出入行止遲速因為之名也兵事尙
速老師費財不可以久故春秋以告命三日以上必
告其次舍之與信不書者輕碎不以告也兵未有所

加所次則書之以示遲速公次于滑師次于郎是也
既書兵所加則不書其所次以事為宜非虛次諸久
兵而不書次是也既書兵所加而又書次者案句首

三字永樂大典脫從莊三年正義所引釋例增義有取于次案此句永樂大典作義有所次

從莊三年正義所引釋例改正遂伐楚次于陘盟于牡丘遂次于匡
是也所紀或次在事前次以成事也或次在事後事
成而次也皆隨事實無義例也案莊三年正義云杜

書其次者或伐或戰曠日持久其間必有三日之次
既書戰伐則不書次雖次在事前次在事後皆不書
也既書兵所加而又書次者義有取于次齊侯伐楚
楚疆齊欲殺之以德故不速進而次于陘盟于牡丘

本為救徐各使大夫救徐次匡以為之援義取于次
 故書兵所加而又書其次次在事前謂僖元年齊師
 宋帥曹師次于聶北救邢也次在事後謂襄二十三年
 叔孫豹帥師救晉次于雍榆也聶北之下公羊傳曰
 曰曷為先言次而後言次先通君命也左傳先儒取彼
 曷為先言救而後言次先通君命也左傳先儒取彼
 為說言齊桓君也進止自由故先次後救叔孫臣也
 先通君命故先救後次杜以傳無此言故改正其謬
 言此二事或次以成事或事成而次 楚子蔡侯次于
 皆隨事實先後而書之無義例也

厥貉宋公鄭伯陳侯麋子不書于經者陳鄭自息而
 從楚子宋公勢卑以苟免在列鄭伯為楚僕任受令
 于司馬麋子恥之遂逃師而歸三君失位降爵故不
 列諸侯宋鄭猶然則陳侯必同也叔孫豹救晉次于

雍榆傳曰禮者善其宗助盟主非以次為禮也齊桓
 次于聶北救邢亦以存邢具其器用而還師人無私
 見善不在次也而賈氏皆即以為善次次之與否自
 是臨時用兵之宜非禮之所素制也若魯公次于乾
 侯之比非為用師不應在例而復例之亦為濫也

遷降例第三十 案此篇見永樂大典惟篇目佚今補

釋例曰邢遷于夷儀則以自遷為文宋人遷宿齊人
 遷陽則以宋齊為文各從彼此所遷之實記注之常
 辭亦非例也劉賈依二傳以為鄆紀之遺邑計紀侯

去國至此二十七年紀侯猶不堪齊而去則邑不得

獨存此蓋附庸小國若邾鄆者也案自劉賈依二傳以下永樂大典無

之從莊三十年正義所引釋例增須句子魯之私屬若顓臾之比魯

謂之社稷之臣故來奔及反不書于經賈氏云但因

成風來不見公亦未安

以歸例第三十一案此篇永樂大典全闕

釋例曰據宗廟社稷已亡而君見獲于敵君身雖在

與亡無異皆以滅為文則定六年鄭游速帥師滅許

以許男斯歸是也若社稷宗廟不亡君身見獲于敵

則云以歸以蔡侯獻舞歸是也莊十年正義引釋例

夫人內女歸寧例第三十二案此篇見永樂大典其篇目亦存

莊十二年春王三月紀叔姬歸于鄆

二十七年冬杞伯姬來傳曰杞伯姬來歸寧也傳例曰

凡諸侯之女歸寧曰來出曰來歸夫人歸寧曰如某出

曰歸于某

僖十四年夏六月季姬及鄆子遇于防使鄆子來朝傳

曰鄆季姬來寧公怒止之以鄆子之不朝也夏遇于防

而使來朝

十五年秋九月

云

季姬歸于鄆

二十八年秋杞伯姬來

文九年春

云

夫人姜氏如齊

三月夫人姜氏至自齊

十五年冬

云

十有二月齊人來歸子叔姬傳曰齊人來

歸子叔姬王故也

十八年冬十月

云

夫人姜氏歸于齊傳曰夫人姜氏歸

于齊大歸也

宣五年冬齊高固及子叔姬來傳曰冬來反馬也

十六年秋鄭伯姬來歸傳曰秋鄭伯姬來歸出也

成五年春王正月杞叔姬來歸

右夫人內女歸寧出凡十一

桓十八年春王正月公會齊侯于濼公與夫人姜氏遂如齊傳曰春公將有行遂與姜氏如齊申繻曰女有家男有室無相瀆也謂之有禮易此必敗

莊二年冬十有二月夫人姜氏會齊侯于禚傳曰冬夫人姜氏會齊侯于禚書茲也

七年春夫人姜氏會齊侯于防傳曰春文姜會齊侯于

防齊志也

僖十七年秋夫人姜氏會齊侯于卞傳曰秋聲姜以公故會齊侯于卞

言夫人行十一錯綜其四以包通之

釋例曰歸寧者女子既嫁有時而歸問父母之寧否父母歿則使卿歸問兄弟也出者謂犯七出而見絕者也歸者有所往之稱來者有所反之言也故嫁謂之歸而寧謂之來見絕而出則以來歸爲辭來而不返也如某者非終安之稱歸于某者亦不反之辭也

叔姬以娣而適紀紀侯大去其國而死叔姬歸于魯紀季自定于齊姬得歸鄒全守節義以終婦道故繫之于紀而以初嫁爲文賢之也不書其來旣非常寧又非大歸也鄒姬季以禮來寧公怒而絕之故亦不書來寧遂留之至明年九月乃遣故更書歸明前年已絕于鄒也齊人執子叔姬魯請于王而後齊人送之故與直出者異文禮送女謙不敢自安留其所送之馬三月廟見而後夫家遣使返其馬今高固因返馬禮遂與子叔姬俱寧情近于瀆故經并書其來而

春秋左傳卷四
三十一朝格按

傳見返馬以示譏也婦人無外事見兄弟不踰闕故
其他行非禮所及亦例所不存而當時實有出入或
以事宜或以淫縱小君之行不得不書故直書其行
而其善惡各繫于本會于禚傳稱書姦夫人入齊地
也會于防傳稱齊侯志齊侯入魯地也案齊侯二字
承樂大典脫
從莊七年正義所引釋例增于經無例傳以實言也凡內女見經
而不書歸者時史之闕漏而賈氏皆以為適世子故
也按杞桓公以僖二十三年即位襄六年卒凡在位
七十一年文成之世經書叔姬二人一人卒一人出

皆杞桓公夫人也而經皆不書歸知雖正夫人歸或
亦有所不載非唯適世子也

凡八百六十六字經傳三百九十四字釋例四
百七十二字案經傳實三百八十九字釋例實
四百八十字共八百六十九字
大夫奔例第三十三案此篇見承樂大
典其篇目亦存

文八年冬云宋司城來奔傳曰宋襄夫人襄王之姊也
昭公不禮焉夫人因戴氏之族以殺襄公之孫云司城
蕩意諸來奔效節于府人而出公以其官逆之皆復之
亦書以官皆貴之也

春秋左傳卷四
三十一朝格按

十四年秋云云九月云云宋子哀來奔傳曰宋高哀為蕭封人以為卿不義宋公而出遂來奔書曰宋子哀來奔貴之也

宣十年夏四月云云齊崔氏出奔衛傳曰崔杼有寵于惠

公高國畏其偏也公卒而逐之奔衛書曰崔氏非其罪也且告以族不以名傳例曰凡諸侯之大夫違告于諸

侯曰某氏之守臣某失守宗廟敢告所有玉帛之使者則告不然則否

十八年冬十月云云歸父還自晉至筮遂奔齊傳曰公孫

歸父以襄仲之立公也有寵欲去三桓以張公室與公

謀而聘于晉欲以晉人去之冬公薨季文子云云遂逐東

門氏子家還及筮壇帷復命于介既復命袒括髮即位

哭三踊而出遂奔齊書曰歸父還自晉善之也

成十二年春周公出奔晉十一年傳曰周公楚惡惠襄

之偏也且與伯與爭政不勝怒而出及陽樊王使劉子

復之盟于郵而入三日復出奔晉十二年傳曰春王使

以周公之難來告書曰周公出奔晉傳例曰凡自周無

出周公自出故也

襄二十年秋

云

陳侯之弟黃出奔楚傳曰陳慶虎慶寅

畏公子黃之偪愬諸楚曰與蔡司馬同謀楚人以為討

云書曰陳侯之弟黃出奔楚言非其罪也

二十九年秋九月

云

齊高止出奔北燕傳曰秋九月齊

公孫薑公孫竈放其大夫高止于北燕乙未出書曰出

奔罪高止也高止好以事自為功且專故難及之

昭元年夏秦伯之弟鍼出奔晉傳曰秦后子有寵于桓

如二君子景其母曰不去懼選癸卯鍼適晉其車千乘

書曰秦伯之弟鍼出奔晉罪秦伯也

二十年夏曹公孫會自鄆出奔宋釋例曰奔者迫窘

而去逃死四隣不以禮出也放者受罪黜免宥之以

遠也臣之事君三諫不從有待放之禮

案放者以下二十四字承

樂大典脫佚從宣元年正義所引釋例補入

故傳曰義則進否則奉身以

退迫窘而出奔及以禮見放俱去其國故傳通以違

為文仲尼修春秋又以所稱為優劣也懷寵之人皆

身及禍難唯子哀不義宋公先機而發是以貴而書

字也若乃稱司城以貴效節于府人書歸父之還以

善復命于介因齊人告辭以著崔氏之無罪蓋隨事

以示褒貶也傳既云書曰崔氏以明非罪復云且告以族不以名知典策之書舊當以名通也齊國雖謬且明春秋之作或因仍舊史成文不必皆有改也夫立功立事者國之厚益而身之表的也表高的明雖女人猶欲彎弓案女人襄二十九年正義引釋例作婦人而況當塗之士是以君子慎之道家貴善行者無轍跡功遂而身退高止既犯其始又專以終之免死為幸斯乃賢聖之篤戒故變放言奔文致其罪以示過曹公孫會雖小

國之卿當有玉帛之使于魯曹人以告而書也陳公子黃偪而出奔既稱弟以明無罪故不復變本告之名賈氏以為稱名以貶陳黃之偪是不復顧有非罪之文一黃之身或罪或否也

逃潰例第三十四

案此篇見永樂大典惟篇目佚今補

莊十七年秋鄭詹自齊逃來

僖五年秋八月

云云

鄭伯逃歸不盟傳曰王使周公召鄭

伯曰吾撫汝以從楚輔之以晉可以少安鄭伯喜于王命而懼其不朝于齊也故逃歸不盟孔叔止之云云弗聽

逃其師而歸

襄七年冬云云十有二月云云陳侯逃歸傳曰二慶使告陳

侯于會曰楚人執公子黃矣君若不來羣臣不忍宗廟

社稷懼有二圖陳侯逃歸

僖四年春王正月公會齊侯宋公陳侯衛侯鄭伯許男

曹伯侵蔡蔡潰傳曰春齊侯以諸侯之師侵蔡蔡潰遂

伐楚

成九年冬十有一月楚公子嬰齊帥師伐莒庚申莒潰

傳曰冬十一月楚子重自陳伐莒圍渠丘渠丘城惡衆

潰奔莒

云云

楚師圍莒莒城亦惡庚申莒潰楚遂入鄆莒

無備故也君子曰恃陋而不備罪之大者也豫備不虞

善之大者也

釋例曰傳曰衆保于城城保于德言上能以德附衆

以功庇下民信其德恃其固故能交相依懷以衛社

稷苟無固志盈城之衆一朝而散如積水之敗故曰

潰潰者衆敗流遁之辭也國君而逃師棄盟違其典

儀棄其車服羣臣不知其謀社稷不保其安此與匹

夫逃竄無異是以在衆爲潰在君爲逃

案僖五年正義引釋例此

句作在以別上下之名無取于別國邑也賈穎以為

舉國曰潰一邑曰叛案左氏無此義也傳文膚咎如

潰上失民也今經但言伐膚咎如無膚咎潰之文若

經本無此文則丘明為橫益經文而加失民之傳也

案傳文以下四十五字永樂大典傳曰陳侯如楚慶

氏以陳叛此則舉國不必言潰也叛者舉城而屬他

非民潰之謂也例之潰逃指謂一國一軍一邑君民

相須為用變文以別之也鄭詹見囚于齊自齊逃來

此為逸囚無下可逃春秋指事而書所謂民逃非在

上之逃也而賈氏復申以入例亦不安也

殺世子大夫例第三十五 案此篇永樂大典全關

釋例曰古者討殺其大夫各以罪狀宣告諸侯所以

懲不義重刑戮也晉侯使以殺太子申生之故來告

衛殺孔達傳載其辭辭雖有臨時之狀其告則常也

莊二十二年正義引釋例晉魯久不交使而告殺申生則所告不

必嘗有玉帛之使但欲廣聲其罪耳 僖五年正義引釋例魯哀

之可諫者甚眾未聞仲尼之苦言至于陳恒弑其君

孔子沐浴而朝告于哀公求討不義顯事施舍足以

致益者固人臣之所當造膝也若乃情色之惑君不能得之于臣父不能得之于子臣子而欲顯直于其君父適所以益謗而致罪也陳靈公宣淫悖德亂倫志同禽獸非盡言所救洩冷進無匡濟遠策退不危行言孫安昏亂之朝慕匹夫之直忘遽氏可卷之德死而無益故經同罪賤之文傳特稱仲尼以明之忠為令德非其人猶不可況不令乎此其義也宣九年正義引

釋例陳之叛楚罪在子辛共王既不能明法示教以肅大臣陳叛之日又不能嚴斷威刑以謝小國而擁其

罪人以興兵致討暴師經年加禮于陳陳恨彌篤乃愠而歸罪子辛子辛之貪雖足以取死然共王用刑為失其節故君子論之以為不刑也襄五年正義引釋例大臣相殺死者無罪則兩稱名字以示殺者之罪王札子殺召伯毛伯是也若死者有罪則不稱殺者名氏晉殺其大夫陽處父是也若為賊者眾因亂而殺則亦稱國人殺者主名不分故也主名不分死者雖名氏可知亦隨而去之嫌于罪死者也士殺大夫則書曰盜盜殺鄭公子駢公子發公孫轍是也文七年正義引釋例

作新門廡例第三十六

案此篇永樂大典全闕其篇目則見敬鉉續明三傳

例說略

釋例曰門戶道橋城郭墻塹官民之開閉不可一日闕者也故特隨壞時而修之皆當其時而訖不必用土功之常時也故傳既曰書不時又曰啓塞從時重發以明二義其他急事亦包之也

僖二十年正義引釋例 春秋分而晝夜等謂之日中凡馬春分百草始繁則牧于坳野秋分農功始藏水寒草枯則皆還廡此周典之制也今春而作廡已失民務又違馬節故曰書不時

也言新意所起言作以興事通謂興起功役之事也總而言之不復分別因舊與造新也經書延廡稱新而不言作傳言新作延廡書不時也此稱經文而以不時為譏義不在作也然尋傳足以知經闕作字也而劉賈云言新有故木言作有新木延廡不書作所用之木非公命也凡諸興造固當有新固當有因今謂春秋微意直記別此門此觀有新木故木既已鄙近且材木者立廡之具也公命立廡則衆用皆隨之矣焉有所用之木非公命也此為匠人受命立廡而

盜供其用豈然乎哉

莊二十九年正義引釋例

作主禘例第三十七

案此篇見永樂大典惟篇目佚今從敬鉉續明三傳例說

略補

僖八年秋七月禘于太廟用致夫人傳曰秋禘而致哀姜焉非禮也傳例曰凡夫人不薨于寢不殯于廟不赴于同不祔于姑則弗致也

文二年秋

云

八月丁卯大事于太廟躋僖公傳曰秋八

月丁卯大事于太廟躋僖公逆祀也

宣八年夏六月

云

辛巳有事于太廟仲遂卒于垂壬午

猶繹萬入去籥傳曰有事于太廟襄仲卒而繹非禮也

釋例曰凡君薨卒哭而祔祔而作主特祀于主烝嘗

禘于廟此諸侯之禮故稱君君既葬反虞則免喪故

曰卒哭卒止也以新死者之神祔之于祖尸柩既已

遠矣神形又不可得而見矣孝子之思彌篤徬徨求

索不知所至故造木主立几筵特用喪禮祭祀于寢

不同之于宗廟宗廟則復用四時烝嘗之禮也三年

喪畢致新死者之主以進于廟廟之遠主當遷入祧

于是乃大祭于太廟以審定昭穆謂之禘此皆自諸

侯上達天子之制也莊公喪未闋閔公吉禘故傳曰速也哀姜以罪受戮不薨于寢淫而與弑故疑其禮八年乃致之也于例旣不應加吉禘之禮也已過月致夫人言以此夫人與致禮也文公二年僖公之喪未終未應行吉禘之禮而于太廟行之其譏已明徒以躋僖而退閔公故特大其事而異其文定八年亦特書順祀皆所以起非常也有事于武宮及順祀傳皆稱禘則知大事有事于太廟亦禘也禘于太廟禮之常也各于其宮時之爲也雖非三年大祭而書禘

用禘禮也昭二十五年傳曰將禘于襄公亦其義也三年之禘自國之常常事不書故惟書此數事祭雖得常亦紀仲遂叔弓之非常也今推歷僖以十一月薨則文元年三月于禮應葬今四月乃葬通計閏爲七月故爲緩又禮葬訖當卒哭作主而至三年乃作主故二年經書作僖公主傳曰書不時也以此推之傳發葬僖公之緩又云作主非禮因開明凡例當繼于文元年葬僖公之經也旣議葬緩又重之以作主非禮明作主當在訖葬故連譏之也今傳見于僖公

之末年殆簡編之錯繆以失其次非丘明之正也舊說以為諸侯喪三年之後乃烝嘗按傳襄公十五年冬十一月晉侯周卒十六年春葬晉悼公改服修官烝于曲沃會于溴梁其冬穆叔如晉且言齊故晉人答以寡君之未禘祀其後晉人徵朝于鄭鄭公孫僑曰溴梁之明年公孫夏從寡君以朝于君見于嘗耐與執膳焉此皆春秋之明證也舊說或以為經所書禘皆夏祭之名非三年之禘魯周公之故也周家祭于夏則曰禘無緣兼取殷家祭名也且按其月又非

時祭之月益可知也凡三年喪畢然後禘

案僖三十二年正義

引釋例然

後作而後於是遂以三年為常節當仍計除喪即吉

之月卜日而後行事故無復常月也是以經書禘及大事傳唯見禘莊公之速他無非時之譏也賈氏以為僖公始不順祀生則致哀姜終則小寢以慢典常故其子文公緣事生邪志作主陵遲于是文公復有夫人歸嗣子懼咎原注或作名字傳故上繫此文于僖公篇迂哉

得獲例第三十八

案此篇見永樂大典惟篇目佚今補

定九年夏云云得寶玉大弓傳曰夏陽虎歸寶玉大弓書

曰得得器用也傳例曰凡獲器用曰得得用曰獲

僖元年冬十月壬午公子友帥師敗莒師于鄆獲莒挈

傳曰冬莒人來求賂公子友敗諸鄆獲莒子之弟挈非

卿也嘉獲之也

十五年冬云云十一月壬戌晉侯及秦伯戰於韓獲晉侯

傳曰晉侯之入也秦穆姬屬賈君焉且曰盡納羣公子

云云許賂中大夫既而皆背之賂秦伯以河外列城五云云

既而皆不與晉饑秦輸之粟秦饑晉閉之糴故秦伯伐

晉云云秦獲晉侯以歸

宣二年春王二月壬子宋華元帥師及鄭公子歸生帥

師戰于大棘宋師敗績獲宋華元傳曰宋師敗績囚華

元獲樂呂

襄八年夏云云鄭人侵蔡獲蔡公子燮傳曰庚寅鄭子國

子耳侵蔡獲蔡司馬公子燮

昭二十三年秋七月云云戊辰吳敗頓胡沈蔡陳許之師

於雞父胡子髡沈子逞滅獲陳夏齧傳曰吳子以罪人

三千先犯胡沈與陳獲胡沈之君及陳大夫云云書曰胡

子髡沈子逞滅獲陳夏齧君臣之辭也

哀十一年夏

云云

五月

云云

公會吳伐齊甲戌齊國書帥師

及吳戰于艾陵齊師敗績獲齊國書傳曰大敗齊師獲

國書

十四年春西狩獲麟傳曰春西狩於大野叔孫氏之車子鉏商獲麟以爲不祥以賜虞人仲尼觀之曰麟也然後取之

釋例曰獲得也得亦獲也實同而文異故假其異文以別事器用亦于人可爲人用者得用焉曰獲謂用

諸物以有所獲也又繫于器用曰獲則凡以器而獲皆在用例敵國交兵亦有兵器之獲欲殊別君臣故於君曰滅於臣曰獲國君者社稷之主百姓之望當與社稷宗廟共其存亡者也而見獲于敵國雖存若亡死之與生皆與滅同至于偏軍元帥君之臣僕出身致命榮辱得失自其常事故傳曰胡子髡沈子逞滅獲陳夏齧君臣之辭也諸以戰傷死雖敗績而不見禽故經皆不曰滅也晉侯背施無親復諫違卜宜在貶絕故不齒君列下從衆臣之名同曰獲也華元

在經書獲而在傳稱囚國書見獲于吳傳云歸其元
此稱獲通死生之文也西狩獲麟亦是田狩之獲獲
例無來儀之文而賈穎曰書稱鳳凰來儀今麟不言
來非外麟也春秋據其得不見其來故但曰獲若必
以內外為義則虞舜奚獨外鳳乎

執諸侯例第二十九

案此篇見永樂大典其篇目亦存

僖五年冬晉人執虞公傳曰晉侯復假道于虞以伐虢

云師還館于虞遂襲虞滅之執虞公及其大夫井伯

故書曰晉人執虞公罪虞且言易也

十九年春王三月宋人執滕子嬰齊

夏六月云巳酉邾人執鄆子用之傳曰夏宋公使邾文

公用鄆子于次睢之社欲以屬東夷司馬子魚曰云今

一會而虐二國之君又用諸淫昏之鬼將以求霸不亦

難乎得死為幸

二十一年秋宋公楚子陳侯蔡侯鄭伯許男曹伯會于

孟執宋公以伐宋冬云十有二月癸丑公會諸侯盟于

薄釋宋公傳曰春宋人為鹿上之盟以求諸侯于楚楚

人許之云秋諸侯會宋公子孟子魚曰禍其在此乎君

欲已甚其何以堪之于是楚執宋公以伐宋冬會于薄以釋之

二十八年春云云二月丙午晉侯執曹伯昇宋人傳曰晉

侯圍曹丙午入曹數之以其不用僖負羸而乘軒者三

百人也且曰獻狀云云執曹伯而分曹衛之田以昇宋人

冬云云晉人執衛侯歸之于京師傳曰衛侯與元咺訟云云

衛侯不勝云云執衛侯歸之于京師寘諸深室

成九年秋七月云云晉人執鄭伯傳曰秋鄭伯如晉晉人

討其貳于楚也執諸銅鞮

十五年春王二月云云晉人執曹伯歸于京師十三年傳

曰秋負芻殺其太子而自立也諸侯乃請討之晉人以

其役之勞請俟他年十五年傳曰春會于戚討曹成公

執而歸諸京師書曰晉侯執曹伯不及其民也傳例曰

凡君不道于其民諸侯討而執之則曰某人執某侯不

然則否

襄十六年春云云二月云云晉人執莒子邾子以歸傳曰春

云云會于溴梁命歸侵田以我故執邾宣公莒犁比公且

曰通齊楚之使

十九年春王正月云云晉人執邾子傳曰盟于督揚曰大毋侵小執邾悼公以其伐我故

昭四年夏云云楚人執徐子傳曰六月丙午楚子合諸侯

于申云云徐子吳出也以爲貳焉故執諸申

哀四年春王二月云云宋人執小邾子

夏云云晉人執戎蠻子赤歸于楚傳曰單浮餘圍蠻氏蠻

氏潰蠻子赤奔晉陰地司馬起豐析與狄戎以臨上雒

云云士蔑請諸趙孟趙孟曰晉國未寧安能惡于楚必速

與之士蔑乃致九州之戎將裂田以與蠻子而城之且

將爲之卜蠻子聽卜遂執之與其五大夫以畀楚師于

二戶

釋例曰諸侯不道于其民諸侯討而執之則曰某人

執某侯諸見執者以身在罪賤之地書名與否非例

所加故但言執某侯也天生蒸民而樹之君使司牧

之勿使失性若乃肆惡于民上人懷怨讟怨讟成十五年正

義引釋例諸侯致討則稱某人執某侯衆討之文也

作怨讟不然則否謂諸侯雖身犯不義而惡不及民則不稱

人以執之晉人執曹伯是也虞公昧于貨賄貪以自

亡國非其國臣非其臣晉人取之若執一夫故稱人以執而不言晉滅罪虞且言易也凡諸侯無加民之惡而稱人以執皆時之赴告欲重其罪以加民為辭國史承之以書之于策而簡牘之記具存夫子因示

虛實故左傳隨實而著其本末以明其得失也

案此三句

傳十九年正義引釋例作故傳隨而著其本末以明得失也

滕子鄆子皆稱人見

執宋欲重二國之罪故以不道見赴或名或不名從

所告之文也

案昭十六年正義引釋例所告作所赴

傳具載子魚之辭

以虐二國之君見義明非罪也宋襄志于好古貪于

為善而不知其節先為鹿上之會見其易而不慮其

難遂有霸心召諸侯于是諸侯與之好會因執以伐

宋不稱人以執者罪不加民也不稱國者總見眾國

諸侯同志也傳稱楚執宋公以伐宋者言宋公所因

亡也晉許執戎蠻子以送于是深恥諱之故稱人以

告欲云蠻子無道于民執諸侯當歸于京師而或以

歸或歸于諸侯皆失其所從實而顯之義可知也

喪稱例第四十

案此篇永樂大典全闕其篇則見本書第二篇會盟朝聘例

釋例曰父雖未葬喪服在身踰年則于其國內即位

稱君伐鄭之役宋公衛侯是也春秋書魯事皆踰年
即位稱公不可曠年無君則知他國亦同然據文未

葬于其國內雖得伸其尊若以接鄰國則違禮失制

也恒十三年正位彌高者事彌重重慮周於經遠故

義制異於凡人存其實篤其志足以叙親疎之情通

萬事之理而已故諸列國之君在喪或不得已而修

會盟之事唯公侯特稱子以別尊卑僖九年正衛文

公欲平莒于魯未終而薨故衛子尋父之志魯人由

此亦修文公之好此孝子之至感而人情之所篤故

成公雖已免喪至于此盟會降從在喪自名猶武王

伐紂稱太子發故經隨而書子傳從而釋之曰修文

公之好也僖二十五年正義引釋例厲公見殺悼公自外紹立本

非君臣無喪制也成十八年正義引釋例

告朔例第四十一此篇永樂大典全闕

釋例曰人君者設官分職以為民極遠細事以全委

任之責從諸下以盡知力之用總成敗以效能否執

八柄以明誅賞故自非機事皆委心焉誠信足以相

感事實盡而不擁故受位居職者思效忠善日夜自

進而無所顧忌也天下之細事無數一日二日萬端人君之明有所不照人君之力有所不堪則不得不借問近習有時而用之如此則六鄉六遂之長雖躬履此事躬造此官當皆移聽于內官迴心于左右政之糝亂恒必由此聖人知其不可故簡其節敬其事因月朔朝廟遷坐正位會吏而聽大政攷其所行而決其煩疑非徒議將然也乃所以攷已然又惡其盜聽之亂公也故顯衆以斷之是以上下交泰官人以理萬民以察天下以治也文公謂閏非常月緣以闕

禮傳因所闕而明言典制雖朝于廟則如勿朝故經稱猶朝于廟也經稱告月傳言告朔明告月必以朔也每月之朔必朝于廟因聽政事事敬而禮成故告以特羊然則朝廟正告朔視朔皆同日之事所從言之異耳

文六年正義引釋例

戕殺例第四十二 案此篇永樂大典全闕

例釋曰列國之君而受害于臣子其所由來者積微而起所以相測量非一朝一夕之漸故改殺為弑戕者卒暴之名有國之君當重門設險而輕近暴客變

起倉卒亦因事而見戒也臣弑其君子弑其父世之惡逆君子難言故春秋謂自內虐其君者通以弑為文也春秋弑君多矣其戕惟此一事自弑其君足明無道臣罪之例戕者外人所殺為無防被害皆是君自招之縱使君或無道其惡不加外國不得從弑君之例也若戰死則書滅此謂在國見殺耳

宣十八年正義引釋

例蔡侯般弑父自立楚子欲顯刑誅以章伯業誘而殺之蔡人深怨故稱名以告春秋從而書之

成十六年正義

例引釋

春秋釋例卷四

春秋釋例卷五

晉

杜

預

巽

土地名第四十四之一

案此篇見永樂大典惟篇目佚今從孔穎達集解序

正義補 又案鄆道元水經注引杜預此篇並作春秋釋地

地名三十八

隱八年春宋公衛侯遇于垂傳曰宋公以幣請于衛請先相見衛侯許之故遇于犬丘

十一年夏公會鄭伯于時來傳曰夏公會鄭伯于邾謀伐許也

宣七年冬公會晉侯宋公衛侯鄭伯曹伯于黑壤傳曰盟于黃父公不與盟以賂免故黑壤之盟不書諱之也

昭九年春云云許遷于夷傳曰二月庚申楚公子棄疾遷

許于夷實城父

十八年冬許遷于白羽傳曰楚子使王子勝遷許于析

實白羽

定十年夏公會齊侯于夾谷傳曰夏公會齊侯于祝其

實夾谷

十三年春齊侯衛侯次于垂葭傳曰春齊侯衛侯次于

垂葭實鄭氏

地有二名七十九錯綜其七

釋例曰天有列宿之號地有山川之名尚矣與人倫

並今其遺文禹貢及山海經載其大略而春秋經國

邑之名又詳然書契以來歷代七百餘年數千其名

號處所因緣改變加以四方之語音聲有楚夏文字

有異同或一地二名或二地一名或他國之人錯得

他國田邑縣以為己屬既難綜練且多繆誤疑闕自

禹貢之經猶與輿地實相錯豈況傳記雜書而可必

據異同端跡似是而非似非而是者甚衆非精敏兼通不能淹濟其始終以獨見于千載之表也六合之內山川國邑道涂關津春秋多見其事盟會侵伐各有所趣周旋迂直可得而推日月遠近可得而校然詳而究之非書無以志古非圖無以志形坐于堂宇之內瞻天下之廣居究古今之委曲可以行可以言可以鑑可以觀多識山川分野之別賢愚成敗得失之跡雖千載之外若指諸掌圖書之謂也以據今天下郡國縣邑之名山川道涂之實爰及四表自人迹

所逮舟車所通皆圖而備之然後以春秋諸國邑盟會地名各所在附列之名曰古今書春秋盟會圖別集疏一卷附之釋例博而備矣春秋地名之變易經傳有起發者有經書所改之名則傳以實明之遷許于夷實城父齊侯衛侯次于垂葭實郟氏之比是也經書未改之名傳發所改爲文而稱經以爲實者遷許于析實白羽公會齊侯于祝其實夾谷之比是也皆謂所在之地舊名絕于當時而史記有遺文者也若二名當時並存

案隱八年正義引釋例此句作若一傳二名當時並有

則直

兩文互見黑壤大丘時來之屬是也此皆經傳起事
 之常猶卿大夫名氏互見非例也傳曰闔門之外實
 薰隧者薰隧之地在門外非地名也其明年子產數
 子析之罪稱薰隧之盟是以丘明就于盟文並見薰
 隧參傳微旨多此學者推以求之其庶幾矣昭九
 引孔穎

達正我云杜以地名經傳不同而傳言實者則以為
 各有改易也傳不言實則以為二名並存也言實凡
 有二義經書未改之名傳以所改實明之則昭十八
 年許遷于白羽傳云遷許于析實白羽定十年公會
 齊侯于夾谷傳云會于祝其實夾谷是也若經書已
 改之名則傳亦舉其已改實其未改之號許遷于夷
 傳云遷許于夷實城父定十三年齊侯衛侯次于垂
 葭傳云次于垂葭實郟氏是也此四者或經書未改

或經書已改傳皆上句舉其已改之名下句實其未
 改之號凡一地前後二名者非謂經時為未改之名
 傳時為已改之名乃于經傳以前上世之時亦有所
 改夫子集史記而為經丘明采簡牘而作傳史記或
 書其舊名者即白羽夾谷是也或書其後名者即夷
 與垂葭是也丘明據簡牘為傳以所改後名而實之
 故僖二十五年秦取析矣襄二十六年聲子云析公
 之亂皆舉白羽改為析之後但簡牘稱析故杜云于
 傳時白羽改為析正謂簡
 牘之時非丘明作傳時也 疆場之邑一彼一此所屬
 無常如陳之焦夷後為楚邑莒魯之鄆亦無一定故
 今地名唯以先者為主其變改移易學者可尋而知
 世人以河東汾陰為齊桓所盟葵丘又謂犇縣魚山
 陂為楚子所次楚師分涉于彭為豫章之彭澤吳人

入棘櫟為河南之陽翟末學之徒各牙所見若此皆甚多古人之教戒以闕疑苟不廣見乃亦不知所疑也今所記注雖事跡相切名號相附而未有顯證者皆稱今有並以示疑其絕無形類者則闕以待多聞之士焉今所畫圖本依官司空圖據泰始之初郡國為正時孫氏僭號于吳故江表所記特示略咸寧六年吳乃平定

案晉書是年改元太康實咸寧六年也

孫氏居八郡之地

隨其宜增廣今江表凡十四郡皆貢圖籍新國始通文記所載猶未詳備若足以審其大略自荆揚徐江

內郡縣人以各還其舊城故此三州未界大江之表皆改從今為正不復依用司空圖也所載博備則圖體廣大非儒學世家恐不能有之故復別為小圖指舉春秋國邑盟會以參所在郡縣簞食荷擔之學約之通焉

地名大凡一千二百一十二其五百五十九闕

案本文地

名實一千二百二十六條其闕者實五百六十五條

其百七十周及大小國附庸其三十一闕

案本文闕者實三十

五條

八百九十九地名其四百八十一闕案本文地名實九百一十五條

其闕者實四百八十六條

四十四夷共二十一闕案本文闕者實十八條

四十五山其十二闕案本文實四十二山

五十八水其十四闕案本文實五十九水

魯地

隱元年魯

魯國魯縣案晉書地理志魯縣屬魯郡

茂姑茂

二名魯國卞縣南有姑茂城案此句集解作卞縣有姑城又案晉書地理

志卞縣屬魯郡

郎

高平方與縣東南有郁郎亭

二年潛

闕

唐棠

二名高平方與縣北有武唐亭魯侯觀魚臺唐卽棠

本宋地也案隱五年正義引釋例云舊說棠魯地據傳云公辭欲略地則指魯境也又釋例上

地名棠在魯部內云本宋地蓋宋魯之界上也又
案劉昭續漢書郡國志注引杜說云武唐亭在方與
縣西南

七年中丘

瑯琊臨沂縣東北中丘亭

八年許田

近許之田

九年防

瑯琊華縣東南防地

十年鄧

闕

十一年菟裘

泰山梁甫縣南菟裘城

案晉書地理志續漢書
郡國志並作菟裘聚

社團平

十闕

桓三年謹

濟北蛇丘縣西有下謹亭

案晉書地理志
下謹作下灌

五年祝丘

闕

六年成

泰山鉅平縣東南成地

七年成丘

高平鉅野縣南有成亭

案劉昭續漢書郡國志注引杜說縣南作縣西

十一年闕

東平須昌縣東南有闕城

十二年曲池

魯國汶陽縣北有曲水亭

案晉書地理志汶陽縣屬魯郡

十六年向

闕

十七年趙

闕

奚

闕

莊九年饒

瑯琊繒縣北有饒亭

生竇

闕

十年長勺

闕

乘丘

闕

十一年鄆

闕

二十七年洮

闕

二十八年鄆

二十九年諸

闕

城陽縣也

案晉書地理志諸縣屬城陽郡

三十一年薛

闕

秦

東平范縣西北有秦亭

三十二年達泉

闕

閔二年密

瑯琊費縣北有密如亭

夷

闕

僖元年鄆

闕

汶陽之田棘

二名汶水北地也濟北蛇丘縣北棘亭又云兗州龔

鄉縣東北七十五里有棘鄉案晉書地理志兗州所屬無龔鄉縣又案隨

書地理志魯郡下云舊兗州龔丘屬焉後齊曰平原縣開皇十六年改舊唐書地理志云兗州隋郡武德五年平徐圓朗置兗州龔丘北齊平原縣隋改為龔丘則龔丘乃隋縣又云以下蓋後人所增非杜氏本文也謹訂于此

費

瑯琊縣也案晉書地理志費縣屬瑯琊國

七年甯母

高平方與縣東有泥母亭音如甯

十七年卞

魯國卞縣案晉書地理志卞縣屬魯郡

二十二年升陘

闕

二十九年昌行

魯縣東南有昌平亭案集解昌平亭作昌平城

三十一年濟西田

濟水西田

重館

高平方與縣西北有重鄉城

文七年鄆五梧

二名卞縣南有鄆鄉城

十一年鹹

闕

十二年鄆鄆田

二名此東鄆莒魯所爭者城陽姑幕縣南有負亭或曰鄆卽負也疑

十五年句艷

闕

戾丘

闕

宣八年平陽

此乃東平陽也泰山有平陽縣

案晉書地理志泰山郡新泰縣故曰平陽

十八年笙

魯地也闕或曰境外疑也

成二年蜀

泰山博縣西北有蜀亭

龍

在泰山博縣西南

巢丘

闕

陽橋

闕

九年中城

東海厚丘縣西南中鄉城

案厚丘承樂大典誤廩丘集解各本並同考晉書地理志東海郡屬有厚丘無廩丘而劉昭注續漢書郡國志于東海郡厚丘條下引杜說云左傳成九年城中城杜曰縣西南有中鄉城今據此改正

十六年壞墮

闕

鄆

此西鄆昭公所出居者東郡廩丘東有鄆城案晉書地理志

無東郡廩丘屬濮陽國注云故屬東郡晉初分東郡置又云今鄆州鄆城縣是

魯西鄆也案成四年經冬城鄆正義云公欲叛晉故城鄆以為備當是西鄆也又案隋書地理志東平郡下云後周置魯州尋廢開皇十年置鄆州郡城屬焉縣本後周置曰清澤開皇初改曰萬安

十八年改鄆州為東平郡大業初改縣曰郡城舊唐書地理志鄆州隋東平郡之須昌縣武德四年平徐

圓則置鄆州鄆城漢壽良地隋改為萬安尋改鄆城則鄆州鄆城縣皆隋所置又云以下蓋後人所增非

杜氏本文也謹訂于此

十八年鹿圍

闕

襄四年蒲圃

場名闕

十年聊

魯國魯縣東南莖城也

十一年五父之衢

魯國魯縣東南

十二年台

琅琊費縣南有台亭

十五年劉

闕案孔穎達正義云蓋魯城外之近地

遇

闕

十六年海陘

闕

十七年桃

魯國卞縣東南有桃虛

陽關

泰山鉅平縣東陽關城

旅松

闕案孔穎達正義云旅松近防地

十九年武城

泰山南武城縣有澹臺子羽冢也

二十二年御

闕

二十六年高魚

春秋釋例

卷五

三

東郡廩丘縣東北高魚城

三十一年陽州

闕

昭四年庚宗

闕

丘猶

闕

五年蚡泉

闕

塞關

闕

八年紅

沛國蕭縣西有紅亭迂遠疑

商衛

泰山奉高縣西北有衛亭或曰魯衛西界商宋疑

十一年比蒲

闕

泉丘

闕

二十二年昌間

闕

二十五年郈

東平無鹽縣東南郈鄉亭

炊鼻

闕

二十七年且知

闕

定五年東野

闕

十年龜陰之田

泰山博縣北有龜山田在其北

十三年蚺淵圃

闕

十四年莒父

闕

霄

闕

哀三年啓陽

琅琊開陽縣

五年毗

闕

六年邾瑕

任城亢父縣北有邾瑕城

七年鄆鄆衍

二名琅琊繒縣

資瑕

高平南平陽縣西北有瑕丘城

八年闡

東平剛平縣北闡鄉城

案鄆道元水經汶水注引杜預釋地無平字

東陽

或曰泰山南城縣西東安城是也疑

案晉書地理志南城作南武城

而劉昭續漢書郡國志注引杜說仍作南城縣與續漢書縣名合故仍之

蠶室

闕

十一年稷曲

闕

十四年大野

高平鉅野縣東北大澤

丘輿

泰山南城縣西北有輿城

十五年輸

闕

十七年蒙

東莞蒙陰縣西故蒙陰城

蒙音書地理志蒙陰屬琅琊國不屬東莞郡

二十七年平陽

西平陽也高平有南平陽縣

陵阪

闕

周地

隱元年周維邑王城邾郕陌

五名河南縣西有邾郕陌也

三年濫蘇

二名河內溫縣

成周

河南洛陽縣

六年周

扶風雍縣東北周城也

案劉昭續漢書郡國志注杜說云周城在扶風美陽縣

西北

八年瓦屋

闕

十一年原

河內沁水縣西北原城

絺

河內野王縣西南有絺城

樊陽樊

二名河內野王縣西南有陽城

隰陽邲

二名河內懷縣西南有隰城

欒茅

汲郡修武縣西北有欒城

向

河內軹縣西北有地名向上

盟孟津

二名河內河陽縣南孟津

州

河內州縣

徑

關

隕

汲郡修武縣北有隕城

懷

河內懷縣

莊元年單

關

十六年夷

關

二十一年酒泉

關

僖二十四年召

扶風雍縣東南有召亭案孔穎達莊二十七年正義云召康公之封召當在西都

畿內春秋時召伯猶是召公之後西都既已賜秦則東都別有召地不復知其所在

甘

河南縣西南有甘水案劉昭續漢書郡國志引杜說甘水作甘泉

坎欲

河南鞏縣東地名坎欲也

二十九年翟泉

河南洛陽新城縣北太倉西南池案續漢書郡國志雒陽周時號成周

有狄泉在城中劉昭注云左傳僖二十九年盟于狄泉杜預曰成內太倉西南池水或曰本在城外定元年成周乃繞之案此水晉時在東宮西北帝王世紀曰狄泉本殷之墓地在成周東北然則翟泉的在洛陽城中新城乃戎蠻子地相去殊遠本文新城二字疑有訛誤

文十七年邠垂

河南新城縣北有邠垂亭

成十一年鄆

闕

鄆田

河內懷縣西南有鄆人亭

十三年成

闕

襄二十一年轅轅

河南緱氏縣東南有轅轅關

三十年平時

闕

昭元年京周

京周長安縣西有鎬京邑

四年景亳

河南鞏縣西南有湯亭或言亳卽偃師也

岐陽

岐山之南

鄆宮

始平鄆縣東有靈臺

九年閻

闕

潁

闕

十二年郊

闕

十七年甘鹿

闕

二十二年皇

河南鞏縣西南有黃亭

案劉昭續漢書郡國志注引杜說西南作西北

榮錡

河南鞏縣西有榮錡澗

要

闕

餞

闕

揚

闕

領

闕

平時

闕

京京楚

二名闕

圃車

闕

前城

闕

東園

河南洛陽縣東南有園鄉

社

陰

闕

闕

侯氏

闕

谿泉

河南鞏縣西南有明谿泉

汜

闕

解

河南洛陽縣西南有大解小解

任人

闕

二十三年鄴

河南鞏縣西南有地名鄴中也

平陰

河南河陰縣也

澤邑

闕

訾東訾

二名河南鞏縣西南訾城也

牆人

闕

直人

闕

阪道

闕

唐

或曰河南洛陽縣東南有唐亭疑

西闕

闕

崩

河南縣西南有崩鄉

案劉昭續漢書郡國志注引晉地道記崩鄉作崩亭

二十四年鄔

緱氏縣西南有鄔聚

乾祭

闕

瑕

闕

杏

闕

二十六年尸氏尸

二名河南鞏縣西南偃師城

施谷

闕

渠

闕

褚氏

河南洛陽縣南有褚氏亭

萑谷

闕

闕塞闕外

二名河南洛陽縣西南伊闕

鞏

河南鞏縣

莒

闕

圍澤

闕

隄上

闕

攜

闕

統

平陽永安縣東北統

二十九年鄴

闕

魯縣

河南魯陽縣也

定六年馮

闕

負黍

河南陽城縣西南有負黍亭

狐人

闕

姑猶

闕

七年儀栗

闕

窮谷

闕

八年穀城

河南縣西有穀城

簡城

闕

孟

闕

哀四年梁

河南有梁縣也

霍

河南梁縣南有霍陽山

邾地

隱元年邾

魯國鄒縣 案晉書地理志鄒縣屬魯郡

翼

文闕

僖元年偃

三闕

虛丘

春秋左傳

卷五

完

闕 孔穎達正義云服虔以虛丘為魯邑杜不從其說

三十三年嘗婁

闕

文十三年繹

魯國鄒縣北有繹山 案孔穎達正義云邾既遷都于此竟內別有繹邑宣十年公孫

歸父帥師伐邾取繹取彼之別邑不取邾之國都也但邾是小國被繹邑亦取繹山為名應近邾之都耳

襄四年狐駘駘上

二名魯國番縣東南有目駘亭 案孔穎達正義云魯國地理志曰番讀

藩屏之藩言魯國南藩也汝南陳子游為魯相子游者藩之子也國人避諱遂改藩而為番字因而不改

也 又案晉書地理志鄒縣屬魯郡

二十一年漆

高平南陽縣東北有漆鄉 案漆鄉續漢書郡國志晉書地理志並作漆亭 又

案鄆道元水經泗水注引杜說漆鄉下有郭字

閭丘

高平南平陽縣西北有顯閭亭

昭十九年蟲

闕

二十三年離姑

闕

三十一年濫

東海昌慮縣所治濫鄉城

哀二年渤東田

渤水東田

沂西田

沂水西田也

絞

關

七年茅

高平縣西南有茅鄉亭

鄭地

隱元年鄭

滎陽宛陵縣西南有新鄭城

案隱元年傳正義云地理志河南郡有宛陵縣

又有新鄭縣于漢則宛陵新鄭各自為縣晉世分河南而立滎陽廢新鄭而入宛陵故鄭在宛陵西南也考晉書滎陽郡泰始二年置宛陵漢書晉書並作苑陵續漢書作苑陵

鄢鄢陵

二名潁川鄢陵縣

制號

二名滎陽故號國

京

滎陽京縣也

廩延

二名陳留酸棗縣北有延津

城潁

闕

潁谷

闕

五年長葛

潁川長社縣北有長葛城

案酈道元水經洧水注引杜說長葛城作長葛鄉

制北虎牢

二名河南成臯縣

八年祊

瑯琊國費縣東南有祊城

十一年時來邾

二名滎陽縣東有釐城

鄔

河南緱氏縣西南有鄔聚

劉

河南緱氏縣西北有劉亭

蔿

闕

邗

闕

狐壤

闕

桓五年繻葛

闕

十一年祭

陳畱長垣縣東北有祭城

十二年武父

陳留濟陽縣東北有武父城

十四年東郊

闕

牛首

闕

十五年櫟

河南陽翟縣

莊三年滑

陳留襄邑縣西北有滑亭

十四年大陵

闕

二十一年弭

二十三年扈

闕

滎陽卷縣西北有扈亭

二十八年桐丘

潁川許昌縣東北有桐丘城

閔二年清

滎陽中牟縣西有清陽亭

案清陽亭程公說春秋分記引釋例作陽清亭今考

劉昭續漢書郡國志注引杜說亦作清陽亭則程本訛也

僖六年新城密

二名滎陽密縣

二十二年柯澤

闕

二十四年汜

此南汜也周公出居于汜楚伐鄭師于汜襄城縣南

汜城是也

案孔穎達正義云南汜在襄城縣南鄭之西南竟南近楚西近周故王處于汜楚伐

鄭師于汜皆以為南汜其東汜在中牟縣南去鄭城既近秦晉圍鄭秦軍汜南則為東汜杜各隨其所近

而言也又案晉書地理志襄城縣屬襄城郡

二十八年踐土

闕

衡雍

滎陽卷縣所治垣雍城也

二十三年函陵

闕

汜

此東汜也秦軍汜南晉伐鄭師于汜滎陽中牟縣南

有汜澤

三十三年原圃原

二名滎陽中牟縣西有圃田澤

鄆城

滎陽密縣東北有鄆城故鄆國

文元年縣嘗

關

匡

潁川新汲縣東北有匡城

二年垂隴

滎陽縣東有垂隴城

八年暴暴隧

二名闕

申

闕

九年狼淵

潁川潁陰縣西南有狼陂

十三年棐

闕

十七年儵

闕

宣元年棊林

滎陽宛陵縣東南有林鄉

北林

滎陽中牟縣西南有林亭在鄭北

三年鄉

闕

南里

闕

九年厲

闕

柳琴

闕

十二年邲

闕又云今鄭州管城縣東有古邲城也

案隋書地理志滎陽郡下

云舊鄭州開皇十六年置管州大業初復曰鄭州管城縣屬焉縣舊曰中牟開皇初改內牟十六年析置

管城十八年改內牟為圃田屬焉又杜佑通典鄭州下云後周置滎州後改為鄭州隋置管州煬帝初復

為鄭州尋廢州置滎陽郡則鄭州周置管城縣隋置又云以下蓋後人所增非杜氏本文也謹訂于此

管

滎陽京縣東北有管城古管國也

滎澤

滎陽縣東滎澤

成三年伯牛

闕又云汴州雍丘縣北有伯牛城

案漢書地理志雍丘屬陳留郡杜佑

通典汴州下云漢置陳留郡晉改為陳留國東魏置梁州後周改為汴州則汴州後周置又云以下蓋後

人所增非杜氏本文也謹訂于此

鄭

闕

丘輿

闕

四年汜祭

河南成臯縣東有汜水

五年蟲牢

陳留封丘縣北有桐牢亭

六年繞角

闕又云汝州魯山縣南有繞角故一名泚城

案杜佑通典汝

州下云隋初置伊州煬帝初改為汝州後廢州以其地分屬襄城潁川二郡唐為汝州魯山屬焉古繞角城在縣東南隋書地理志襄城郡下云開皇初為伊州大業初改汝州而魯山縣則作魯縣舊唐書地理志則云魯山隋舊縣是汝州魯山縣並隋置又云以下蓋後人所增非杜氏本文也謹訂于此

十年修澤

滎陽卷縣東有修武亭

案酈道元水經濟水注引杜說修武亭作武修亭

十二年瑣澤

闕

交剛

闕

十三年訾

闕

十六年鳴鴈

陳留雍丘縣西北有鳴鴈亭

督揚

闕

制田

滎陽宛陵縣東有制澤

十七年柯陵

闕

高氏

河南陽翟縣西南有高氏亭

戲童

闕

曲洧

潁川新汲縣所治曲洧城

襄元年鄆

陳留襄邑縣東南有鄆城

五年城棣

陳留酸棗縣西南有棣城

七年鄆

闕

鄆

闕

九年戲

闕

陰版

洧津

陰日

闕

十年梧

闕

陽陵

闕傳曰諸侯之師還鄭而南至于陽陵晉與楚夾潁而軍此則陽陵在潁北也或以為襄城舞陽縣者非
十一年亭城北

闕

蕭魚

闕

向

潁川長社縣東北向鄉

瑣

滎陽宛陵縣西北有瑣侯亭

濟隧

闕

十六年湛阪

襄城昆陽北有湛水東入汝

十八年汾

襄城縣東北有汾丘城

魚陵

南陽犇縣北魚齒山

上棘

闕

胥靡

闕

獻于

闕

雍梁

河南陽翟縣東北有雍氏城

二十四年棘澤

闕

二十六年城麋

闕

樂氏

闕

二十八年黃崖

黃水之崖

三十年斗城

闕

酸棗

陳留酸棗縣

昭元年薰隧

城門外道名

四年鈞臺

河南陽翟縣南有鈞臺陂

五年菟氏

闕

索氏

河南成臯縣東有大索城

圍

闕傳曰晉韓宣子如楚送女韓起反鄭伯勞諸圍或

以為陳留扶溝縣東北有圍城迂遠非

案續漢書郡國志扶溝屬

陳留郡晉書地理志無此縣

六年相

闕

二十年菑苻之澤

闕

定四年皐鼬

繁昌縣東南有城皐亭

案晉書地理志繁昌屬襄城郡

哀十三年黃池

陳留封丘縣南有黃亭近濟水傳曰會于黃池在縣

南吳子執子服景伯以還及戶牖然則黃池當在戶

牖西北或以為陳留外黃縣東溝非矣

戶牖

陳留外黃縣西北東昏城

宋地

隱元年宋商商丘

三名梁國睢陽縣也傳曰陶唐氏之火正闕伯居商

丘祀大火又曰宋大辰之虛也然則商丘在宋地或

以為漳水之南故殷虛為商丘者非也

黃

陳留外黃縣東有黃城

十年營

闕

郟

濟陰成武縣東南郟城宋邑也今鄭取之或以為郟國非也僖二十年郟子來朝則郟非滅也

防

高平昌邑縣西南有西防城

老桃

闕

桓二年稷

闕

十二年穀丘句瀆之丘

二名闕

虛

闕

龜

闕

十五年襄

沛國相縣西南有侈亭

莊十二年蒙澤

梁國蒙縣

毫

梁國蒙縣西北有毫城中有成湯冢其西有箕子冢

案酈道元水經汲水注引杜說毫城作薄伐城又案酈道元水經汲水注引杜釋例作毫在梁國蒙澤縣北薄城

中有湯冢凡三毫也

十六年幽

闕

三十二年梁丘

高平昌邑縣西南梁丘鄉

案酈道元水經濟水注引杜說梁丘鄉上有有字

僖元年櫟犂

二名陳國陳縣西北有櫟城

案續漢書郡國志陳縣屬陳國晉書地理志晉

武帝合陳郡于梁國陳縣屬梁國又案酈道元水經渠水注云杜預云櫟即犂也在陳縣西北為非櫟小

城也在陳郡西南

二年貫

梁國蒙縣西北有貫城字與貫字相似或曰齊有貫澤公羊曰貫澤之會

九年葵丘

陳留外黃縣東有葵丘或曰河東汾陰縣為葵丘非也經夏會葵丘九月乃盟晉為地主無緣欲會而不

及盟也

蔡孔穎達正義云莊八年傳連稱管至父成葵丘杜云齊地臨淄縣西有地名葵丘此與

彼異者傳稱齊侯不務德而勤遠略西為此會則此地遠處異地不得近在臨淄故釋例以為殊地

二十一年鹿上

汝陰有原鹿縣

孟

闕

二十三年緡

高平昌邑縣東南有東緡城

二十八年孟諸

梁國睢陽縣東北

文十一年承筐

陳留襄邑縣西承筐城

長丘

闕

十四年新城

梁國穀熟縣西有新城

宣二年大棘

陳留襄邑縣南有棘鄉

成十六年沙隨

梁國寧陵縣北有沙隨亭

亭

案酈道元水經汝水注引杜預釋地沙隨亭作沙陽

洧陂

闕

夫渠

闕

洧陵

闕

十八年彭城

彭城縣也

案晉書地理志彭城縣屬彭城國

朝郊

闕

城郛

闕

幽丘

闕

靡角之谷

闕

襄元年呂

彭城呂縣

留

彭城留縣

犬丘

闕或曰譙國鄴縣東北有犬丘城迂迴疑

十年訛母

闕

十二年楊梁

梁國睢陽縣東南有地名楊梁有楊亭有梁城縣

昭十三年良

下邳有良城縣

二十年鬼闕

潁川長平縣西北有閭亭

二十一年橫

梁國睢陽縣南有橫亭

南里

闕

廚

闕

鴻口

梁國睢陽縣東有鴻口亭

新里

闕

公里

闕

赭丘

闕

二十五年曲棘

陳留外黃縣城中有曲棘里

定十五年老丘

闕

哀九年雍丘

陳留雍丘縣

十一年城鉏

闕

十二年彌作

頃丘

玉暢

岳

戈

錫

上六田宋鄭之間隙地也

十四年鞏

闕

逢澤

地理志言在滎陽開封縣東北遠疑

案孔穎達正義云漢書地理志

開封縣逢澤在東北或曰宋之逢澤也臣瓚案汲郡古文梁惠王廢逢忌之藪以賜民今浚儀縣有逢忌陂是也土地名宋都睢陽計去開封四百餘里非輕行可到故杜以遠疑非也

二十六年空澤

闕

連中

闕

空桐

梁國虞縣東南有地名空桐有桐亭

唐孟

闕

紀地

隱元年紀

東莞劇縣

八年浮來

東莞縣北有邳鄉西有公來山號邳來之關

東莞縣屬
東莞郡

莊元年邾

東莞臨胸縣東南有邾城

案晉書
地理志

部

北海都昌縣西有訾城

案續漢書郡國志都昌屬北海國考音書地理志故漢北

海地分屬齊國及濟南城陽東莞諸郡無北海國亦無都昌縣

部

東莞朱虛縣東南邳城也

三年鄆

齊國東安平縣

衛地

隱三年衛殷虛

二名汲郡朝歌縣

四年清

濟北東阿縣東北有清亭

五年牧

闕

七年楚丘

濟陰成武縣之西南有楚丘城

八年垂犬丘

二名濟陰句陽縣東北有垂亭

桓元年越

闕近垂地

三年蒲

陳留長垣縣西南有蒲城

十年桃丘

濟北東阿縣東南有桃丘案集解桃丘作桃城劉昭續漢書郡國志注酈道元

水經濟濟水注引杜說並作桃城

十六年莘

陽平縣西北有莘亭案晉書地理志陽平縣屬陽平郡

十八年首止

陳留襄邑縣東南有首鄉城

莊十四年鄆

東郡鄆城案晉書地理志晉初分東周置濮陽國鄆城屬濮陽

二十七年城濮

闕

閔二年癸澤

戰而又及河則非河南癸澤闕案杜預集解云此癸澤當在河北孔穎達

正義云禹貢豫州癸波既瀦導沅水入于河溢為癸是癸在河南此時衛都河北為狄所敗乃東徙渡河

故知此熒澤當在河北但沈水入河乃泆被河南多故專得榮名其此雖少亦稱榮也

共

滕

衛別邑也

案杜隱六年集解云諸地名闕者不復記其闕孔穎達正義云如翼侯奔隨注云隨

晉地鄭人侵衛牧注云衛邑如此所類皆不言闕是也據此則僅言某國之邑皆杜所闕矣後倣此

曹

衛下邑

案孔穎達正義云曹當在河東近楚丘

僖十三年鹹

東郡濮陽縣東南有鹹城

案晉書地理志晉初分東郡置濮陽國濮陽縣屬濮

陽國

十五年匡

陳留長垣縣西南有匡城

十八年菟圃

闕

訾婁

闕

二十三年五鹿

衛縣西北有地名五鹿

案晉書地理志衛縣屬頓丘郡

陽平元城縣

東亦有五鹿

案程公說春秋分記引釋例云濮陽縣南三十里有五鹿城元城縣東亦有五

鹿墟與永樂大典小異

二十八年斂孟

闕

襄牛

闕

鄴

闕

宛濮

陳留長垣縣西南有宛亭近濮水

三十一年帝丘

古帝顓頊之墟故曰帝丘昆吾氏因之故曰昆吾之

墟東郡濮陽縣是也

文元年戚

頓丘衛縣西戚城在枯河東又相州臨河縣東有戚

城也

案魏書地形志云司州治鄴城太祖先天興四年置相州天平元年遷都改隋書地理志臨河縣

屬汲郡開皇六年置舊唐書地理志相州下云漢魏郡也後魏道武改為相州唐四之臨河屬焉縣本隋

分黎陽縣置杜佑通典亦云後魏道武置相州取河

臨河其支縣也則相州元魏置臨河縣隋置此條又相州以下斷非杜氏本文謹訂于此

宣十二年清丘

東郡濮陽縣東南有清丘

成二年鞠居

闕

新築

闕

六年鍼

闕

七年馬陵

陽平元城縣東南有地名馬陵

襄十四年近關

闕

丘宮

闕

阿澤

濟北東阿縣西南有大澤

十九年柯

魏郡內黃縣東北有柯城

二十年澶淵

頓丘縣南繁汙地

案晉書地理志頓丘縣屬頓丘郡又案酈道元水經河水注引杜

說作澶淵在頓丘縣南今名繁淵

二十六年茅氏

闕

闕

闕

西鄙懿氏

戚城西北有懿氏城

羊角

東郡廩丘縣所治羊角城

案晉書地理志晉初分東郡置濮陽國廩丘縣屬濮

陽又滑州東南有羊角故城

案隋書地理志東郡下云開皇九年置杞州十

六年改爲滑州則滑州隋置此條又滑州以下非杜氏本文謹訂于此

昭十三年平丘

陳留長垣縣西南平丘城

二十年平壽

闕

死鳥

闕

定四年武父

傳曰封畛土畧自武父以南則武父衛之北境也非

河南武父其地闕無處也

有閭之士

闕

相土之東都

闕

六年豚澤

闕

七年沙瓌

二名陽平元城縣東南有沙亭

八年瓦

東郡燕縣東北有瓦亭

案續漢書郡國志燕縣屬東郡故晉書地理志故漢東郡

地分屬濮陽國及陽平頓丘諸郡無東郡亦無燕縣

曲濮

闕

郭澤

曲闕

十三年垂葭鄭氏

二名高平鉅野縣西南有鄭亭

十四年牽脾上梁之間

二名魏郡黎陽縣東北有牽城

孟

闕

哀二年鐵

戚城南有鐵丘

十一年犁

闕

外州

闕

巢

闕

鄭

闕

卷六 平 四
關

順

關

巢

關

水

關

十一 半 學

湘 湘 南 官 繼 丑

命

關

二十 正 半 道

關

十 十 半 灑 圃

東 湖 游 耕 東 北 官 平 曷 寧

十 六 半 平 曷

關

少 齋

天 保 家 卷

卷 五

王 康 時 錄

少禘

闕

十六年平陽

東郡燕縣東北有平陽亭

十七年藉圃

闕

二十五年彭

闕

治

闕

城鉏外里

二名闕

二十六年平莊之上

闕

二十六平平

春秋釋例卷五



